



Comunu de Quartu Sant'Aleni



Nascit in Quartu s'Oficina de is Lìnguas de minoria po un'Europa de is pòpulus

In Quartu Sant'Aleni, in sa rassinna literària "ViaConvento", nascit **s'Oficina de is lìnguas de minoria po un'Europa de is pòpulus**.

S'afotiamentu de s'Europa de is pòpulus passat puru po s'avaloramentu de is lìnguas de minoria cosa sua. Onniuna de is medas fueddadas prus pagu imperadas o idiomas de natzionis chena de Stadu agiudat, in paris cun cussas ufitzialis imperadas meda a portai unu sentidu de unioni in su reconnosci su plurilinguismu e su multiculturalismu. Serbiat unu cantieri po allisai e poni in paris su puzzle de is idiomas diversus aintru de una guarnissa a cumoni: esperièntzias de poni a cunfrontu po teni una aina prus brofetosa e lestra a disponimentu de totus.

De innoi nascit s'idea de s'Amministratzioni comunali de Quartu de promovi tres diris, de cenàbara 22 a domìnicu 24 de onniasantu, totus portadas a su cunfrontu cun is autoris e cun is òperas insoru, chi chistionant in is lènguas de su logu insoru, tenendi sèmpiri a incuru su respetu de su pluralismu. Po custa primu editzioni s'ant a cunfrontai, pro mèdiu de is propostas editorialis insoru, is fueddadas de Sicilia, Sardigna, Friuli, Asturie (Spagna) e de su Cadalanu de s'Alighera.

"Eus pigau esempru de su chi iat nau su Presidenti de sa Repùblica Mattarella candu fut andau in vèsita a Aosta – spiegat su Sìndigu Graziano Milia – iat a essi chi nemus podit essi biu cumenti a stràngiu in unu Stadu democràticu feti pueta chistionat una lèngua diferenti de sa prus parti de sa genti. Antzis, sa promotzioni de sa diversidadi linguistica s'agatat in is prìncipius postus a fundamentu de sa Costituzioni."

Su laboratòriu de is autoris at a incarrerai cenàbara 22 de onniasantu a partiri de is 17:30 cun su scritori famadu **Roberto Alajmo** chi at a presentai su volumi cosa sua *"Abbecedario siciliano"* acumpangiau de s'autrice Rossana Copez. At a sighiri sa presentatzioni de s'ùltimu romanzu puru de su scritori palermitanu, *"Il piano inclinato"* publicau de Sellerio cumenti a su primu.

Sàbudu 24, a is 10:30 cunfrontu intra duas produtzionis sardas, ma de importu a livellu europeu: **Patrizia Serra** at a presentai difatis s'editzioni crítica cosa sua de su *"Libellus Iudicum Turritanorum"* òpera prus de importu de sa prosa de s'edadi de mesu in lèngua sarda; s'aligheresu Gavino Balata, invècias su romanzu suu innoi sa stòria sighet unu caminu diferenti de su chi est acadèssiu de a berus, in lèngua cadalana *"Soldats Abbandonats"*. In is duus atòbius nc'ant a essi, po acumpangiai e chistionai cun is autoris, Maria Antonietta Piga e Lucia Cossu.

A merì, a partiri de is 16:30, a is presentadoris s'at a aciùngi Enrico Putzolu e at a donai su contributu suu su scritori friulanu **Gianluca Franco**, cun su romanzu suu *"Une storie sole"* e sa scritrici asturiana de literadura fantàstica, giòvuna ma capassa, gai prèmiu Ostana 2022 e Ondras 2023, **Blanca Fernandez Quintana**. At a sighiri

una mesa tunda asuba de sa litaradura e de sa polìtica linguìstica cun is autoris e is moderadoris de s'abrètiu. Òspiti de importu su poeta quartesu Antonio Pani. Mòderat e coordinat Giusy Fanti.

S'Oficina at a serraì domìnigu 24 a is 18:30 cun sa ligidura de e cun **Francesca Bellino** *"Il canto libero della stella mediterrane"*.

Totus is atòbius ant a essi in s'aposentu de is pinturas a friscu de sa Natzioni Sarda Bincidora in s'Ex Cunventu de s'arricòveru in Bia Brigata Sassari 4 in Quartu Sant'Aleni (Casteddu).